



Ysgol Gymunedol Bancffosfelen
Bancffosfelen
Llanelli
Sir Gaerfyrddin
SA15 5DR

Rhif Ffôn: 01269 870272

Prosbectws
Ysgol
2020

E-bost: head@bancffosfelen.ysgolccc.org.uk
LangabeerM6@hwbcymru.net

Gwefan: www.bancffosfelen.amdro.org.uk

Pennaeth dros dro: Miss Marie Langabeer
Athrawes â chyfrifoldeb: Mrs Amanda Rees

Cadeirydd y Corff Llywodraethol: Mr Luke Howells

Cyd-baratoi heddiw at ddyfodol yfory
Preparing together today for tomorrow's future

Ysgol Gynradd Cyfrwng Cymraeg i ddisgyblion rhwng 3½ ac 11 oed

Cynnwys

Rhagair y Pennaeth

Croeso i'n hysgol

Staff Ysgol Bancffosfelen

Llywodraethwyr

Dechrau Ysgol

Gwisg Swyddogol yr Ysgol

Trefn y Dydd (Tudalen 9 - 11)

(Oriau Ysgol, Clwb Brecwast, Cludiant i'r Ysgol,
Trosglwyddo disgyblion ar ddechrau ac ar ddiwedd y dydd, Casglu'r plant, Clwb Hwyl, Presenoldeb /
Prydlondeb, Trefniadau cau'r ysgol mewn argyfwng, Polisi codi tâl,
Cytundeb Cartref / Ysgol, Cinio Ysgol, Addoli ar y cyd.)

Nôd ac Amcanion yr Ysgol

Polisi Iaith yr Ysgol

Y Cwricwlwm

(Nôd ac Amcanion y Cwricwlwm, Y Cyfnod Sylfaen, Cyfnod Allweddol 2,
Y Cwricwlwm Cenedlaethol, Lles, Anghenion Addysgu Ychwanegol, Disgyblion ag Anableddau, Addysg
Bersonol ac Addysg Ryw, Addysg Gorfforol a Chwaraeon,
Addysg Grefyddol, Gwersi Cerddoriaeth, Gwaith Cartref.)

Iechyd a Diogelwch

(Gofal ac Iechyd, Cymorth Cyntaf, Diogelu Plant ac Amddiffyn Plant, Plant Mewn Gofal,
Diogelwch yn yr Ysgol, Ymweliadau addysgiadol, Chwaraeon)

Ymddygiad Positif

(Agweddau Cymdeithasol ac Emosiynol ar Ddysgu, Dewch i Ddathlu, Ymddygiad.)

Gweithgareddau Allgyrsiol

(Cyngor Ysgol, Ysgol Eco, Mudiad Meithrin,
Gweithgareddau Rhieni - Y Gymdeithas Rhieni ac Athrawon.)

Asesu ac Adrodd yn ôl

Cwynion am y Cwricwlwm

Polisi yr Ysgol a'r Swyddfa Addysg Leol

Cysylltwch â'r ysgol os oes gennych unrhyw gwestiwn neu sylwadau.

Rhagair y Pennaeth

Pleser o'r mwyaf yw cyflwyno y llawlyfr hwn i chi i'ch cynorthwyo i wybod mwy am fywyd a gwaith Ysgol Gymunedol Bancffosfelen.

Yn ein hysgol ni ein nôd yw darparu awyrgylch cysurus ar gyfer eich plentyn er mwyn hybu ei ddatblygiad ysbrydol, moesol, diwylliannol a chorfforol. Mae perthynas gyfathrebol dda rhwng y cartref a'r ysgol yn hanfodol i feithrin y syniad o bartneriaeth rhwng rhiant ac athro i sicrhau yr awyrgylch orau bosib.

Mae llawer o ymwelwyr i'r ysgol yn sôn am y croeso cynnes y maent yn ei gael a chwarteisi ac aeddfedrwydd ein disgyblion. Mae'r berthynas rhwng athrawon, oedolion a disgyblion yn dda ac wedi ei seilio ar gyd-barch a gofal tuag at eraill.

Ysgol hapus yw Ysgol Bancffosfelen, ac mae hyn yn deillio o'r boddhad cynyddol yn y gweithgareddau llwyddiannus sy'n mynd ymlaen yma. Mae ymdrech o'r fath yn gwneud disgyblion, rhieni, staff, yr awdurdod lleol a'r cyhoedd yn gyffredinol, yn falch o'u cysylltiad â'r ysgol. Yn wir, hoffwn gadw mewn cysylltiad â'n disgyblion ymhell wedi iddynt ein gadael, ac fe ymfalchiwn yn eu llwyddiant wrth iddynt ddilyn eu gyrfaedd addysg a gwaith.

Ar ôl darllen y llawlyfr hwn efallai y byddwch yn dymuno cael mwy o wybodaeth. Os felly, gallwch gysylltu â'r ysgol i siarad â mi.

Marie Langabeer
Pennaeth

Croeso i'n hysgol

Mae'n bleser i ni groesawu eich plant i'n hysgol.
Mawr obeithiwn y byddant yn hapus yma.

Mae pob plentyn yn wahanol. Maen nhw'n edrych yn wahanol, yn ymddwyn yn wahanol, yn datblygu'n wahanol ar adegau gwahanol.
Maen nhw'n dysgu ar amserau gwahanol ac mewn ffyrdd gwahanol. Er mwyn eich plentyn, peidiwch â'i gymharu â phlant eraill.

Trefn yr Ysgol

Ysgol Gynradd wledig yw Ysgol Gymunedol Bancffosfelen ar gyfer disgyblion (bechgyn a merched) o ystod oed o 3 hyd at 11 oed. Mae yna 2 ystafell ddosbarth, llyfrgell, ystafell gelf a neuadd yn yr ysgol. Defnyddir y neuadd ar gyfer cynnal gwasanaethau, bwyta prydau cinio, Addysg Gorfforol, yn ogystal ag amrywiaeth o weithgareddau eraill. Mae Clwb Brechwast, Mudiad Meithrin a Chlwb Hwyl yn defnyddio'r neuadd hefyd. Mae cae chwarae cyfagos hefyd yn eiddo i'r ysgol ac mae parc y pentref wrth ymyl yr ysgol. Dosrennir y disgyblion i ddau dosbarth o allu cymysg, yn ôl oedran. Addysgir y plant fel dosbarth, mewn grwpiau ac fel unigolion. Dibynna hyn ar y math o weithgaredd a gyflawnir ar y pryd ac ar anghenion y plant. Bydd y grwpiau'n amrywio o bryd i'w gilydd. Ffurfir grwpiau yn ôl gallu, cyfeillgarwch, oed, rhyw a.y.b.

Staff yr Ysgol

Pennaeth dros dro

Miss Marie Langabeer

Athrawes â chyfrifoldeb yr ysgol

Mrs Amanda Rees

Athrawon

Mrs Susan Simpson

Mrs Amanda Rees

Cynorthwywr Dosbarth

Mrs Angharad Rees Bryant

Mrs Anne Marie Passmore

Athrawon Teithiol Offerynnol

Mr G Saunders- Prês

Mrs G Davies – Recorders a Chwythbrennau

Staff Cynorthwyol yr Ysgol

Swyddog Gweinyddol y Llywodraethwyr: Mrs Marie Jenkins

Clerc yr ysgol: Mrs Miriam Evans

Gofalydd / Clerc Arian Cinio: Mrs Christine Williams

Glanhawyr: Mrs Pamela Jones a Mrs Christine Williams

Cogyddes: Mrs Lynette Sutherland

Llywodraethwyr

Enw	Statws
Mr A Davies	Cynrychiolydd Cymunedol
Mr L Howells (Cadeirydd)	Rhiant
Miss M Langabeer	Pennaeth
Mrs D Davies (Is Gadeirydd)	Cynrychiolydd Cymunedol
Mr G Harries	Llywodraethwr Cymunedol Ychwanegol
Mrs A Rees	Cynrychiolydd Athrawon
Mrs N Phillips	Rhiant
Mrs E Evans	Rhiant
Mr A Barlow	Cynrychiolydd Cymunedol

Mae Corff Llywodraethol yr ysgol yn cyfarfod yn rheolaidd (o leiaf unwaith pob tymor) gydag is bwyllgorau yn cwrdd rhwng pob cyfarfod. Cyhoeddir adroddiad blynyddol gan y Llywodraethwyr a chynhelir cyfarfod blynyddol yn yr ysgol a fydd yn rhoi cyfle i holl rieni'r ysgol ymateb i'r adroddiad.

Cyfrifoldeb am Ddiogelwch

Miss Marie Langabeer	Pennaeth
Mrs Amanda Rees	Athrawes a chyfrifoldeb am yr ysgol
Mrs Davinia Davies	Llywodraethwraig

Dechrau Ysgol

*

Derbynnir plentyn ar ddechrau'r tymor pan fyddant yn dathlu ei bedwerydd penblwydd. Fe drefnir hanner diwrnodau pan all plant newydd ymweld â'r ysgol tua diwedd y tymor blaenorol. Croesewir y rhieni hefyd er mwyn iddynt ddod i adnabod yr athrawon ac i drafod unrhyw faterion sy'n codi. Paratoir pecyn o wybodaeth am yr ysgol i bob rhiant newydd. Polisi drws agored sydd gennym ac mae croeso i unrhyw riant gysylltu â'r ysgol ar unrhyw adeg i drafod problem.

Disgwylir i rieni arwyddo cytundeb partneriaeth â'r ysgol sy'n amlinellu disgwyliadau er mwyn hybu datblygiad addysgol effeithiol y plentyn. Mae copi o'r cytundeb ar gael yn swyddfa'r ysgol.

Meini prawf ar gyfer derbyn disgyblion:

1. Plant sy'n byw yn nhalgylch traddodiadol yr ysgol;
2. Plant â brodyr a chwiorydd sydd wedi eu cofrestru yn yr ysgol ar y dyddiad derbyn a gofynnwyd amdano;
3. Plant yr argymhellwyd eu bod yn cael lle am resymau eraill (mewn cytundeb â'r A.A.LI.)
4. Rhoddir blaenoriaeth i'r rhai sy'n byw nesaf i'r ysgol fel y mesurir ar hyd y ffordd gyhoeddus.

Ni roddir blaenoriaeth yn ôl y dyddiad y derbyniwyd ceisiadau nac yn ôl dyddiad geni.

Mae'r Ysgol yn cael derbyn 12 o blant bob blwyddyn academaidd.

Tymor yr Hydref:	1af Medi	- 31ain Rhagfyr
Tymor y Gwanwyn:	1af Ionawr	- 31ain Mawrth
Tymor yr Haf:	1af Ebrill	- 31ain Awst

Rhaid i bob plentyn sy'n dymuno gwneud cais am le yn yr ysgol, beth bynnag fo ei oed, wneud hynny trwy gofrestru'n electronaidd ar wefan Sir Gâr:

www.sirgar.gov.uk/derbyniadauysgol

Y Sir sydd yn penderfynu pwy fydd yn cael eu dewis gan ddefnyddio canllawiau penodol. Ceir mwy o fanylion ar wefan y sir.

Trosglwyddo i'r Ysgol Uwchradd

Mae'r disgyblion yn ymadael â'r ysgol hon yn ystod mis Gorffennaf yn dilyn eu pen-blwydd yn 11 mlwydd oed er mwyn mynychu Ysgol Gyfun leol - fel arfer Ysgol Maes y Gwendraeth. Fe fynycha'r pennaeth ac athrawes Blwyddyn 5 a 6 gyfarfodydd cyswllt rheolaidd a gynhelir yn Ysgol Maes Y Gwendraeth lle trafodir ystod eang o faterion perthnasol. Mae cyfleoedd yn codi pan fo disgyblion Ysgol Gymunedol Bancffosfelen yn medru manteisio ar adnoddau'r Ysgol Uwchradd hefyd. Mae gan rhieni yr hawl i ymgeisio am le mewn unrhyw ysgol uwchradd ond rhaid cofrestru ar system derbyniadau'r sir.

Gwisg Ysgol

Mae gosod safonau yn bwysig iawn i ni fel ysgol ac mae ymddangosiad y disgyblion yn arwain at deimlad o falchder yn yr ysgol ac mae hyn ynghyd â disgyblaeth dda yn arwain at gynnal safonau academaidd. Rydym yn disgwyl i'r disgyblion wisgo'r wisg ysgol bob dydd er mwyn dod â pharch ac agwedd bositif i'r ysgol.

Mae gan yr ysgol wisg gydnabyddedig sef:

Siwmpwr glas a logo'r ysgol
Crys polo glas golau a logo'r ysgol

Sgert llwyd
Trwsys llwyd
Esgidiau du
Teits llwyd
Cot ddwrglos

Gellir prynu siwmpwr ysgol o Siop Eurllyn, Crosshands

Cit Chwaraeon yr Ysgol - Crys-T Gwyn, Siorts, trwser tracwisg neu leggins glas tywyll a thrainers.

*

Cofiwch labeli pob ddilledyn ag enw eich plentyn.

*

Gwisg – Diogelwch

Pan fydd plentyn yn cymryd rhan mewn gweithgaredd addysg gorfforol mae gofyn iddo / iddi ddiosg unrhyw eitem a all fod o beryg iddynt hwy neu i eraill yn ystod y gweithgaredd hwnnw e.e. oriawr. Awgrymwn fod disgybl sy'n cael clustdlysau newydd yn eu cael ar ddechrau gwyliau'r haf ac felly pan fyddant yn dychwelyd i'r ysgol byddant yn medru cael eu diosg.

Yn ystod amseroedd chwarae anffurfiol h.y. egwyl y bore / canol dydd /prynhawn, gall damweiniau ddigwydd oherwydd fod disgyblion yn gwisgo gemwaith. Awgrymwn yn gryf, o ran diogelwch i'r unigolyn ac i eraill, fod pob disgybl yn diosg unrhyw emwaith cyn dod i'r ysgol.

Mae'r ysgol yn gwrthod derbyn cyfrifoldeb am unrhyw golled neu ddamwain i dlysau neu eitemau gwerthfawr mae'r disgyblion yn dod ag i'r ysgol.

Trefn y Dydd

8:50 a.m.	Gwersi yn dechrau
10:30 – 10:45 y.b.	Egwyl y bore
12:00 – 1:00 y.h.	Amser Cinio (Cyfnod Sylfaen)
12:00 – 12:45 y.h.	Amser Cinio (Cyfnod Allweddol 2)
2:20 – 2:30 y.h.	Amser Egwyl Prynhawn
3:10 y.h.	Diwedd y dydd

Disgwylir i rieni arwyddo llyfr gan nodi rheswm am hwyrddyfodiad yn y derbynfa pan fo'u plentyn yn cyrraedd yn hwyr gan fod yr ysgol yn tracio prydlondeb.

Mae hwyrddyfodiad yn tarfu ar y dosbarth ac ar waith unigol y disgybl. Bydd yr Awdurdod Addysg Lleol yn cael eu hysbysu o hwyrddyfodiad aml.

Clwb Brecwast

Gwasanaeth hanfodol i rieni sy'n mynd i'r gwaith yn gynnar. Rydym yn darparu amgylchedd diogel i ddisgyblion, ynghyd â brecwast maethlon. Mae brecwast ar gael o 7:45 y.b. tan 8:30y.b. Mae'n hanfodol i ddisgyblion fynychu y Clwb Brecwast os ydynt yn cyrraedd yr ysgol cyn 8:40 y.b.

Cludiant i'r Ysgol

Cyfrifoldeb y rhieni yw darparu cludiant i'r plant hynny sy'n mynychu'r ysgol hon o du allan i ddalgylch yr ysgol.

Trosglwyddo disgyblion ar ddechrau dydd

Mae angen gadael eich plentyn/plant gydag aelod o staff wrth y brif fynedfa yn y bore. Bydd staff ar ddyletswydd wrth y drws o 8:45 y.b. ymlaen ac yn derbyn unrhyw ohebiaeth, llythyron, arian cinio, arian ymweliadau addysgol a.y.b.

Gosodwch unrhyw daliadau mewn amlen gan nodi enw, dosbarth a faint o arian sy'n amgaeedig ac at ba bwrpas. Bydd y disgyblion sy'n mynychu'r Clwb Brecwast yn cael eu hebrwng o'r mynedfa i'r ysgol gan staff y clwb. Plis cofiwch mai eich cyfrifoldeb chi fel rhieni yw trosglwyddo eich plentyn i ofal yr ysgol.

Trosglwyddo disgyblion ar ddiwedd y dydd

Cyfnod Sylfaen- Disgwylir i rieni gwrdd â'r athrawes ddosbarth wrth y brif fynedfa i dderbyn eu plentyn.

Disgyblion Cyfnod Allweddol 2 - Bydd disgyblion yn cael eu tywys gan eu hathrawes i brif fynedfa'r ysgol lle byddant yn cael eu trosglwyddo i'w rhieni/gofalwyr.

Cofiwch mai eich cyfrifoldeb chi yw croesi eich plentyn ar draws yr heol.

Os gwneir trefniadau gan riant i rywun arall, anadnabyddus, ddod i gasglu disgybl, fe werthfawrogwn wybod am hyn rhag ofn i athrawon yr ysgol dybio mai dieithryn sydd yn hebrwng plentyn.

Ni anfonir unrhyw ddisgybl oddi ar dir yr ysgol nes ceir sicrwydd bod yna oedolyn cyfrifol i'w derbyn a'i warchod. Os ydych yn caniatáu i'ch plentyn gerdded adre o'r ysgol yna rhaid cwblhau ffurflen yn nodi hyn.

Presenoldeb / Prydlondeb

Mae'n ofynnol i rieni sicrhau eu bod yn hysbysu'r ysgol ar y bore cyntaf mae plentyn yn absennol o'r ysgol.

Mae'n ofynnol i rieni hysbysu'r ysgol am unrhyw absenoldeb mewn llythyr pan mae disgyblion yn dychwelyd i'r ysgol. Os na wneir hynny, bydd eich plentyn yn cael ei ddynodi fel 'absennol heb ganiatad'. Mae'r gofrestr yn cael ei gau am 9:30 y.b. Bydd unrhyw ddisgybl sydd yn cyrraedd wedi'r amser hwn heb reswm meddygol yn cael ei ddynodi fel 'hwyr wedi i'r gofrestr gau' ac yn cael ei drîn fel absenoldeb bore ar ystadegau'r ysgol. Disgwylir i rieni arwyddo llyfr yn y dderbynfa pan fo'u plentyn yn cyrraedd yn hwyr. Anogir rhieni i wneud apwyntiadau meddygol neu ddeintyddol y tu allan i oriau ysgol, rhag tarfu ar addysg eu plentyn.

Presenoldeb yr ysgol

2016-2017	93.1%
2017-18	94.5%
2018-19	91.72%

Targed Presenoldeb yr ysgol yw 95%

Rydym yn annog rhieni i beidio â mynd â'u plant allan o'r ysgol am wyliau yn ystod y tymor. Dyma'r dyddiadau ysgol eleni.

TYMHORAU A GWYLIAU YSGOL - BLWYDDYN ACADEMAIDD 2019/2020

Tymor	Dechrau'r Tymor	Gwyliau Hanner Tymor		Diwedd Tymor	Dyddiau
		Dechrau	Diwedd		
Hydref 2019	Dydd Mawrth 3ydd Medi	Dydd Llun 28ain Hydref	Dydd Gwener 1af Tachwedd	Dydd Gwener 20fed Rhagfyr	74
Gwanwyn 2020	Dydd Mawrth 7fed Ionawr	Dydd Llun 17eg Chwefror	Dydd Gwener 21ain Chwefror	Dydd Gwener 3ydd Ebrill	59
Haf 2020	Dydd Llun 20fed Ebrill	Dydd Llun 25ain Mai	Dydd Gwener 29ain Mai	Dydd Llun 20fed Gorffennaf	60
Dyddiau HMS Penodol - Dydd Llun, Medi 2il, 2019 Dydd Llun, Ionawr 6ed, 2020.					2
Cyfanswm					195

O.N. Gwener y Groglith - 10fed Ebrill 2020
Gŵyl Fai - 8fed Mai 2020

Mae'r dyddiadau yma ar gael ar wefan Cyngor Sir Caerfyrddin ar:

<https://www.carmarthenshire.gov.wales/media/4018/school-hols-2019-20.pdf>
ac ar wefan yr ysgol www.bancffosfelen.amdro.org.uk

Trefniadau cau'r ysgol mewn argyfwng

O bryd i'w gilydd mae angen cau'r ysgol ar fyr rybudd e.e. pan fydd hi'n bwrw eira, piben ddŵr wedi torri. Gwneir pob ymdrech i hysbysu rhieni cyn gynted â phosib naill ai trwy neges destun, ebost, ar wefan yr ysgol neu'r Cyngor Sir neu drwy gyhoeddi ar Radio Cymru neu Radio Sir Gâr.

Eich cyfrifoldeb chi fel rhieni yw hysbysu'r ysgol os bydd newid i rifau ffôn cyswllt.

Polisi Codi Tâl

Ni chodir tâl am weithgareddau ysgol heblaw am yr isod :
Teithiau addysgol, lle gofynnir am gyfraniadau gan rieni.
Gweithgareddau allgyrsiol a drefnir gan fudiadau allanol.
Telir ar system ar lein Parent Pay.

Mae'r ysgol bob amser yn barod i drafod pan fo rhiant / gwarcheidwad yn pryderu am gostau sy'n ymwneud â'r ysgol.

Cytundeb Cartref / Ysgol

Disgwylir i rieni a'r ysgol gytuno a llofnodi cytundeb cartref / ysgol er mwyn cydweithio er budd y disgyblion.

Cinio Ysgol

Fe baratoir cinio ysgol yng nghegin yr ysgol bob dydd. Mae'r fwydlen ar gael i bawb ac fe arddangosir ar wefan yr ysgol www.bancffosfelen.amdro.org.uk

Pris cinio ysgol yw £2.50 y dydd (£12.50 yr wythnos).

Gofynir i rieni hysbysebu'r ysgol drwy lythyr am unrhyw alergedd neu anghenion deietegol arbennig sydd gan eu plant.

Mae'n rhaid talu arian cinio ar system y Sir sef Parent Pay. Rhaid nodi ar Parent Pay os ydydch plentyn am ginio ysgol.

Mae cinio ysgol am ddim i gael i'r rheini sy'n deilwng. Dylid gwneud cais i'r awdurdod lleol - Yr Adran Addysg, Parc Myrddin, Caerfyrddin, neu trwy gysylltu â'r ysgol am hyn os bydd angen. Ni chaniateir i ddisgybl gael cinio am ddim heb ganiatâd oddi wrth yr awdurdod lleol.

Gwneir trefniadau i ddisgyblion sy'n dewis dod â'u bwyd eu hunain i'w bwyta yn y neuadd hefyd o dan oruchwyliaeth. Mae gennym oruchwyllydd sy'n gweinyddu yn ystod amser cinio.

Rydym yn Ysgol Iach ac yn annog bocs bwyd iachus.

Gan fod aelod o staff ag arelgedd i gnau ni chaniateir unrhyw fwydydd sy'n cynnwys cnau mewn bocsys bwyd.

Addoli ar y Cyd

Mae'r ysgol gyfan yn cwrdd yn ddyddiol i gynnal gwasanaeth. Anogir y disgyblion i gyfrannu yn ystod y gwasanaethau hyn. Gwahoddir ymwelwyr i ddod i addoli gyda ni o bryd i'w gilydd. Mae hawl i riant gadw ei blentyn allan o'r gwasanaeth ac fe wneir trefniadau ar gyfer hynny os oes galw.

Nôd ac Amcanion yr Ysgol

Yn Ysgol Gymunedol Bancffosfelen ein bwriad yw creu cymuned ysgol sy'n :

- sicrhau bod pob disgybl yn gartrefol mewn awyrgylch Gymraeg a Chymreig.
- symbylu pob disgybl i ddatblygu hyd eithaf ei allu, yn academaidd ac yn diwylliannol, yn emosiynol, yn gymdeithasol ac yn gorfforol.
- annog pob disgybl i feithrin a meistrolï'r grefft o gyfathrebu drwy'r iaith Gymraeg a'r Saesneg sef dwyieithrwydd.
- gwerthfawrogi gwerthoedd moesol ein cenedl a'r byd, a chreu ymwybyddiaeth o anghenion plant a phobl eraill.
- sicrhau bod gan bob disgybl gyfraniad gwerthfawr i'w wneud mewn cymdeithas fyw ac iach.
- creu ymwybyddiaeth ac awydd am ddimensiwn ysbrydol bywyd, parch at werthoedd crefyddol, a goddefgarwch at hiliau a chrefyddau eraill.
- datblygu'r medrau sylfaenol ym mhob agwedd ar y cwrs addysg gan gofio oed, dawn a gallu'r disgybl.
- datblygu medrau a deallusrwydd mathemategol, gwyddonol a thechnegol trwy brofiadau perthnasol sy'n adlewyrchu'r newidiadau o fewn ein byd.
- datblygu hunanfynegiant trwy gerddoriaeth, meim, drama, celf ac addysg gorfforol.
- creu ymwybyddiaeth o'r angen am lendid personol, moesgarwch a chwarteisi.
- hybu arferion diogelwch yn yr ysgol, y cartref a'r gymdeithas.
- creu cysylltiad agos rhwng y cartref a'r ysgol er mwyn i rieni ac athrawon weithio mewn cytgord er lles pob disgybl.
- creu'r fath awyrgylch a naws lle mae pawb sy'n gysylltiedig â'r ysgol yn cael boddhad.
- meithrin athrawon ymroddgar a brwdfrydig.
- rhoi cyfle i bob disgybl ddatblygu hyd eithaf ei allu ymhob agwedd o'r cwricwlwm.
- cyflwyno'r addysg sy'n ystyrlon ac yn berthnasol i brofiad y disgybl yn y gymuned.
- meithrin parch at eiddo ac at bersonau eraill.
- hybu cysylltiad a chydweithrediad rhieni.
- datblygu meddyliau gofynnol ac bywiog, gyda'r gallu i holi a thrafod yn rhesymol ac i ymateb i tasgau.
- datblygu sgiliau iaith i'r eitha, defnyddio'n bwrpasol ac ystyriol i **gyfathrebu**, yn cynnwys gwranddo, siarad, darllen, ysgrifennu a gwerthfawrogi llenyddiaeth.

Cyfle Cyfartal

Mae'r ysgol yn hyrwyddo cyfle cyfartal i bob disgybl yn yr ysgol ac fe welir manylion am hyn yn y polisi sydd ar gael yn swyddfa'r ysgol. Rydym yn barod i dderbyn unrhyw wybodaeth newydd perthnasol i sicrhau cyfle cyfartal i bawb.

Polisi Iaith yr Ysgol

Ysgol 'Categori A' neu Ysgol Cyfrwng Cymraeg yw Ysgol Gymunedol Bancffosfelen, felly cyfrwng iaith yr ysgol yw Cymraeg ac mae'r rhan fwyaf o'n disgyblion yn gwbl ddwyieithog erbyn iddynt adael yr ysgol yn 11 oed.

Defnyddir Cymraeg fel cyfrwng addysgu yn y Cyfnod Sylfaen (3+ hyd 7oed). Cyflwynir Saesneg yn ystod Cyfnod Allweddol 2 (7+ hyd 11+) lle addysgir y plant trwy gyfrwng y Gymraeg a'r Saesneg.

Ar gyfer y plant hynny a ddaw i mewn i'r ysgol heb unrhyw wybodaeth o'r Gymraeg, dyma fydd y drefn:

Y Cyfnod Sylfaen

Gwneir y plant i deimlo'n gartrefol a sefydlog yn y dosbarth trwy gyfrwng y Saesneg, h.y. cyflwynir cyfarwyddiadau unigol i'r plentyn yn Saesneg.

Cyn gynted ag y bydd y plentyn yn gartrefol yn ei amgylchedd newydd yna cyflwynir y Gymraeg iddo/iddi trwy weithgareddau ymarferol sy'n cynnwys llawer iawn o waith llafar.

Addysgir y plentyn i ddarllen, i ysgrifennu ac i siarad yn y Gymraeg. Bydd yr athrawes ddsbarth yn ymwybodol o ddefnydd y plentyn o'r Saesneg yn ystod y cyfnod hwn.

Cyfnod Allweddol 2

Ar gyfer y plant hynny a ddaw i mewn i'r ysgol heb unrhyw wybodaeth o'r Gymraeg ceir cyfnod o ymgartrefu. Ar y cychwyn addysgir y plentyn trwy gyfrwng y Saesneg, ond cyflwynir y Gymraeg cyn gynted â phosibl, trwy weithgareddau llafar ac ymarferol. Cynigir y cyfle i'r plentyn fynychu cwrs trylwyr yn yr Iaith Gymraeg am ddau ddiwrnod yr wythnos. Fel arfer cymer hyn le dros gyfnod o dymor neu ddau yn y Ganolfan Iaith a leolir yn Ysgol Carwe.

Weithiau, ac o dan arweiniad Seicolegydd Addysgol y Sir, mae disgybl ag anghenion addysgol ychwanegol yn cael ei eithrio rhag y Gymraeg. Pan ddigwydd hyn fe fydd yr athrawes ddosbarth yn darparu gwaith trwy gyfrwng y Saesneg i'r disgybl.

Rhoddir cryn bwysigrwydd ar weithgareddau'r Urdd yn Ysgol Gymunedol Bancffosfelen. Mae gweithgareddau o'r math yn hybu'r diwylliant Cymraeg ac yn gwneud y plant yn fwy ymwybodol o'u cefndir a'u gwreiddiau. Maent hefyd yn cael cyfle drwy'r mudiad i gwrdd â ffrindiau o bob rhan o Gymru. Cystadlwn yn frwd ymhob math o gystadlaethau yr Urdd yn flynyddol. Cesglir tâl aelodaeth yr Urdd yn nhymor yr Hydref bob blwyddyn. Mae ymaelodi yn galluogi'r plentyn i gystadlu yng nghystadlaethau swyddogol yr Urdd. Mae cyfle hefyd yng Nghyfnod Allweddol 2 i fynd i Wersyll yr Urdd Llangrannog gydag ysgolion eraill Cwm Gwendraeth.

Y Cwricwlwm

Ein nôd yw cynnig addysg a gofal o'r safon uchaf mewn awyrgylch hapus, caredig, gweithgar a diogel fel bod pob plentyn, beth bynnag fo'i allu, yn cyrraedd ei lawn botensial. Rhoddir pwyslais ar ddysgu medrau sylfaenol llythrennedd a rhifedd a phwysleisir pwysigrwydd eu gwneud yn berthnasol ac yn ystyrlon i'r plentyn. Mae'n bwysig gwneud y plentyn yn ymwybodol o'i amgylchfyd, ei gymuned, ei wlad a'i fyd.

Nôd ac Amcanion y Cwricwlwm

- Hybu datblygiad ysbrydol, moesol, diwillianol, meddyliol a chorfforol y disgyblion yn yr ysgol ac yn y gymdeithas
- Paratoi'r disgyblion hynny ar gyfer cyfleoedd, cyfrifoldebau a phrofiadau bywyd oedolion. {Deddf Diwygio Addysg 1988}.

Bwriedir i'r amcanion addysgol sylfaenol o hyrwyddo datblygiad y disgybl gael eu hadlewyrchu drwy holl cwricwlwm a phrofiadau'r ysgol.

Trwy ddefnyddio dull addysgu sydd wedi ei seilio ar themâu a rhaglenni astudio'r Cyfnod Sylfaen a'r Cwricwlwm Cenedlaethol, sicheir cwrs addysg eang a chytbwys. Darperir cwricwlwm sy'n sicrhau fod pob disgybl yn tyfu i fod yn ymwybodol o'r diwylliant Cymraeg a'r etifeddiaeth sydd ynghlwm â hyn.

Y mae gan yr ysgol hefyd bolisi cydraddoldeb. Ceisir hyrwyddo'r polisi trwy ei gynnwys yn y cwricwlwm a'r gwersi a addysgir pan fydd cyfle. Yn dilyn Deddf Addysg 1998 a'r newidiadau i Gwricwlwm Cenedlaethol 2000 a 2008 yn ogystal â'r Cyfnod Sylfaen, y mae'r ysgol yn llunio ac yn diwygio polisïau i egluro sut y diwellir y gofynion. Y mae'r rhain yn cynnwys Cymraeg, Mathemateg a Gwyddoniaeth fel pynciau craidd a Saesneg i ddisgyblion Cyfnod Allweddol 2. Y mae'r ysgol hefyd yn addysgu Hanes, Daeryddiaeth, Technoleg, T.G.Ch, Cerddoriaeth, Celf, Ymarfer Corff ac Addysg Bersonol a Chymdeithasol fel rhan o bynciau sylfaen y Cwricwlwm Cenedlaethol. Mae Ysgol Gymunedol Bancffosfelen yn rhoi pwyslais ar ddatblygu medrau sylfaenol yn Llythrennedd a Rhifedd ar draws y cwricwlwm.

Mae'n ofynnol addysgu Addysg Grefyddol yn yr ysgol hefyd er nad yw'n bwnc yn y Cwricwlwm Cenedlaethol. Dywed Deddf Addysg 1988 y dylai natur Addysg Grefyddol "adlewyrchu'r ffaith mai traddodiadau Cristnogol yn bennaf yw traddodiadau crefyddol y wlad hon, ond dylai gymryd i ystyriaeth dysgu arferion crefyddol eraill a gynrychiolir ym Mhrydain Fawr."

Mae Ysgol Gymunedol Bancffosfelen yn sicrhau eu bod yn cwrdd â'r gofynion cyfreithiol yma.

Y Cyfnod Sylfaen

Fe osodir sylfaen bendant i ddatblygu sgiliau yn ystod y cyfnod hwn, gyda dysgu drwy chwarae yn rhan bwysig o'r dydd. Y nôd yw annog disgyblion ddysgu sut i rannu a chymryd tro, cyd-weithio, ehangu geirfa, dod ymlaen â'i gilydd a gwerthfawrogi bod byd ehangach o'n cwmpas. Hefyd fe werthfawrogir pa mor hynod bwysig yw'r profiad o chwarae gydag amrywiaeth o deganau i ddatblygu y corff a'r sgiliau motor.

Cynllunir gweithgareddau yn seiledig ar y chwe maes dysgu sy'n ffurfio cwricwlwm y Cyfnod Sylfaen. Rhoddir pwyslais ar ddatblygu gwybodaeth, sgiliau a dealltwriaeth trwy ddysgu trwy brofiad - dysgu trwy wneud a thrwy ddatrys problemau bywyd go iawn y tu mewn ac yn yr awyr agored.

Y chwe maes dysgu yw:

- Datblygiad Personol a Chymdeithasol, Lles ac Amrywiaeth Ddiwylliannol.
- Sgiliau Iaith, Llythrennedd a Chyfathrebu.
- Datblygiad Mathemategol.
- Gwybodaeth a Dealltwriaeth o'r Byd.
- Datblygiad Corfforol.
- Datblygiad Creadigol.

Y Cyfnod Sylfaen

Amser addysgu yr wythnos – 21.5 awr

Yn y cyfnod hwn, gosodir prif sylfeini'r profiadau dysgu. Mae'r pwyslais ar ddatblygu'r sgiliau hanfodol, sef cyfathrebu, llythrennedd a rhifedd.

Cyfnod Allweddol 2

Amser addysgu yr wythnos - 23.00 awr

Mae'r Cwricwlwm Cenedlaethol ar gyfer Cyfnod Allweddol 2 yn cynnwys y meysydd addysgol canlynol:

Dyma'r 4 Pwnc Craidd	-	Mathemateg Gwyddoniaeth Cymraeg Saesneg
Dyma'r Pynciau Sylfaen	-	Hanes Daearyddiaeth Dylunio a Thechnoleg Celf a Chrefft Addysg Gorfforol Cerddoriaeth Addysg Grefyddol T.G.Ch

Ynghyd â chyflwyno profiadau rhifedd a llythrennedd ar draws y cwricwlwm.

Oriau addysgu cyfnod allweddol 2 — 23:00.

Cyfnodau Allweddol y Cwricwlwm Cenedlaethol

Rhanwyd y Cwricwlwm Cenedlaethol i 4 Cyfnod Allweddol: yn yr Ysgol hon rydym yn cyflwyno y ddau cyfnod allweddol hyn:

Y Cyfnod Sylfaen	-	3½ i 7 mlwydd oed
Cyfnod Allweddol 2	-	7 i 11 blwydd oed

Addysgir y Cwricwlwm Cenedlaethol yn bennaf trwy ddull Thema neu ddull Traws-Gwricwlaidd. Dewisir themâu ar gyfer yr ysgol gyfan ac fe'u cynllunir ar gyfer pob tymor. Cynhwysir elfennau o'r meysydd pynciau yn y Cwricwlwm Cenedlaethol sy'n berthnasol i'r thema. Cedwir cofnodion o'r Targedau Cyrhaeddiad a gyflawnir ynghyd â'r lefelau a gyrhaeddwyd. Dim ond canllaw yw pob thema; nid oes yn rhaid i athro addysgu nodweddion ynglwm â'r thema bob amser.

Wrth drosglwyddo o'r Cyfnod Sylfaen i Gyfnod Allweddol 2 gwelir fod Sgiliau Allweddol megis Technoleg, Gwybodaeth a Chyfathrebu a'r fframwaith Llythrennedd a Rhifedd yn parhau i fod yn ganolbwynt i'n cwricwlwm.

Caiff y plant eu hannog i ddatblygu hunan hyder ac annibyniaeth wrth ddysgu a gwella Sgiliau Allweddol mewn amrywiaeth o sefyllfaoedd.

Lles

Cyflwynir pwysigrwydd gofalu amdanynt eu hunain fel rhan o raglen waith yr ysgol. Pwysleisir pwysigrwydd bwyta bwyd iachus, gofalu am ddannedd a pheryglon ysmegu a chymryd cyffuriau.

Mae disgyblion y cyfnod sylfaen yncael llaeth am ddim yn ddyddiol. Mae cyfle i holl disgyblion yr ysgol brynu ffrwyth amser egwyl. Anogir y disgyblion i yfed dŵr yn rheolaidd. Mae croeso i ddisgyblion ddod â photel ddŵr ganddynt i'r ysgol.

Disgyblion ag Anghenion Addysgol Ychwanegol

Mae darpariaeth Anghenion Dysgu Ychwanegol yr ysgol yn cydymffurfio gyda chanllawiau'r Côt Ymarfer ar Adnabod ac Asesu Anghenion Addysg Arbennig a gyflwynwyd yn sgîl Deddf Addysg 1993.

Mae gan yr ysgol gofrestr o ddisgyblion sydd angen cymorth ychwanegol gyda'u gwaith. Bydd y plant yma, o dan y Côt Ymarfer, yn derbyn sylw ychwanegol drwy waith gwahaniaethol gan yr athrawes, drwy weithio mewn grwpiau llai yn y dosbarth gyda chynorthwydd a.y.b. Bydd gan y disgyblion hyn Gynllun Addysg Unigol (CAU) a gwahoddir rhieni'r disgyblion yma i'r ysgol i drafod y CAU. Gofynni'r i'r rhieni gydweithio gyda ni ac estyn cymorth gartref, fel y bo hi'n bosibl i unrhyw ymdrechion ychwanegol fod yn fwy effeithiol.

Mae'r polisi Anghenion Dysgu Ychwanegol ar gael yn yr ysgol.

Disgyblion Mwy Abl a Thalentog

Yn ein nod yn Ygol Gymunedol Bancffosfelen yw i gyflwyno cwricwlwm sy'n addas i anghenion a gallu pob disgybl. Rydym yn cynllunio i alluogi pob plentyn i eu cyflawniad personol. Rydym yn ceisio gwneud hyn drwy wahaniaethu gweithgareddau.

Disgyblion ag anableddau

Fe wneir pob ymdrech i groesawu disgyblion anabl (corfforol neu feddyliol) i'r ysgol. Mae pob disgybl yn unigryw, a'n hamcan yw cyflwyno addysg addas i bob plentyn. Anogir holl aelodau'r ysgol i barchu a chynorthwyo'i gilydd beth bynnag yw'r angen.

Addysg Bersonol ac Addysg Rhyw

Un o amcanion yr ysgol yw sicrhau bod pob plentyn yn cael cyfle i ddatblygu ac ehangu ei sgiliau a'i wybodaeth gogyfer bywyd fel oedolyn. Addysgu'r Addysg Iechyd sy'n cynnwys emosiynau, newid corfforol, cadw'n ddiogel, ymddygiad, parch, cyfrifoldeb, perthynas a hunanhyder fel rhan o weithgareddau Addysg Bersonol a Chymdeithasol..

Ni ddysgir Addysg Rhyw a Pherthnasedd fel pwnc unigol. Darperir gwahanol elfennau ohono o fewn pynciau eraill fel Gwyddoniaeth, Addysg Bersonol a Chymdeithasol ac Addysg Grefyddol, heb sôn am wersi iaith. Ym Mlwyddyn 6 bydd nyrs yr ysgol yn delio â rhai agweddau Addysg Rhyw a Pherthnasedd. Caiff y gwersi eu cyflwyno mewn modd sensitif a gwrthrychol gan dargedu sesiynau penodol ar gyfer y dosbarth cyfan ynghyd â sesiynau i'r merched a'r bechgyn ar wahân. Mae hawl gan riant ofyn i eithrio eu plentyn o wersi Addysg Rhyw a Pherthnasedd. Mae polisi Addysg Rhyw a Pherthnasedd ar gael o'r swyddfa.

Addysg Gorfforol

Bydd pob disgybl yn derbyn gwersi addysg gorfforol yn wythnosol. Disgwylir i'r disgyblion newid ar gyfer gwersi addysg gorfforol i ddillad addas yn cynnwys crys-t, siorts neu dracwisg ac esgidiau ymarfer. Mae cyfle i ddisgyblion cyfnod allweddol 2 nofio am 3 wythnos bob blwyddyn.

Addysg Grefyddol

Mae'r pwyslais mwyaf yn y pwnc hwn yn cael ei roi ar y Grêd Gristnogol. Yn ôl gofynion Sir Gaerfyrddin trafodir ac astudir crefyddau eraill ein byd.

Gwersi Cerddoriaeth

Mae dau athro teithiol yn ymweld â'r ysgol sef athro pres ac athrawes recorders. Mae pob disgybl ym mlwyddyn 3 i 6 yn cael gwersi recorders.

Ystyrir cerddoriaeth, yn enwedig dysgu canu offeryn, yn fantais gyffredinol i hybu addysg plant yr ysgol. Fe geir nifer o gyfleoedd i berfformio, naill ai'n unigol neu gydag eraill mewn grwpiau gwahanol maint. Anogir y disgyblion i ddatblygu pob dawn a feddant, ac i gael mwynhad wrth chwarae a chanu cerddoriaeth. Credwn hefyd fod hyn yn meithrin hunan-barch, yn ehangu profiadau, yn datblygu hyder ac yn rhoi profiadau lle y gellir rhannu llwyddiant.

Gwaith Cartref

Mae creu partneriaeth iach rhwng y cartref a'r ysgol yn fodd i ddatblygu addysg y plentyn ymhellach. Un agwedd bwysig o'r bartneriaeth yma yw patrwm rheolaidd o waith cartref. Credwn fod cyfrifoldeb ar y cartref i sicrhau bod y gwaith cartref yn cael ei ddychwelyd ar yr amser cywir. Hefyd disgwylir i bob gwaith cartref a llyfr sy'n eiddo'r ysgol dderbyn parch a gofal. Gofynnwn yn garedig i rieni hysbysu'r ysgol trwy lythyr neu alwad ffôn, os oes problem wedi codi ynglŷn â'r gwaith y bwriedir i'r disgybl ei gyflawni yn y cartref. Disgwylir i ddisgyblion ddarllen yn ddyddiol yn eu hamser eu hun er mwyn datblygu eu sgiliau darllen. Ar yr un pryd, disgwylir i rieni gefnogi nifer o elfennau addysgol y cwricwlwm trwy gymryd eu plant i siopa (lle cânt drafod arian a defnyddio'u tablau mathemategol), ar wibdeithiau daearyddol neu hanesyddol a diwylliannol (lle cânt ychwanegu at yr hyn a ddysgwyd eisioes yn yr ysgol). Mae helpu i goginio a chyflawni gwaith tŷ yn helpu plant ifanc i ddatblygu cydsymudiad. Hefyd, anogir teuluoedd i fwynhau dysgu gyda'i gilydd a chyfathrebu trwy gydweithio ar jig-sôs a chwarae gemau fydd yn hybu sgiliau cyfathrebu a rhifedd.

Rydym yn disgwyl i'r disgyblion ddod â llyfrau darllen i'r ysgol yn ddyddiol. Rydym yn disgwyl i rieni wrando ar eu plentyn yn darllen yn ddyddiol.

Hyderwn yn fawr y cânt bob cefnogaeth o'r cartref.

Iechyd a Diogelwch

Mae gan yr ysgol bolisi sy'n sicrhau ein bod yn darparu a chynnal amgylchiadau diogel ac iach, ynghyd â chyfarpar a systemau gwaith i'n holl ddisgyblion a'r staff (dysgu ac ategol). Hefyd, rydym yn darparu gwybodaeth a hyfforddiant lle bo hynny'n bosibl neu'n anghenreidiol, ac arolygaeth i'r diben hwn. Gellir cael copi o bolisi Iechyd a Diogelwch yr ysgol o'r swyddfa.

Caiff asesiadau risg eu cwblhau yn rheolaidd i sicrhau fod yr adeilad, y safle a manau ymweld yn ddiogel i'r plant, i'r staff ac i ymwelwyr.

Mae'r nyrs ysgol yn ymweld â'r ysgol yn rheolaidd. Bydd archwiliadau clyw a golwg yn digwydd yn ystod cyfnod y disgybl yn yr ysgol yn ogystal â mesur taldra a phwysau.

Dylid hysbysu'r ysgol yn syth os yw'ch plentyn yn dioddef o unrhyw alergedd, neu gyflwr meddygol sydd yn debygol o fod angen gofal ychwanegol.

Gofal ac lechyd

Bwriad yr ysgol yw creu cymdeithas ac awyrgylch cyfeillgar a chynnes er mwyn i'r plant gael yr ymdeimlad o gyfeillgarwch a sicrwydd. Gweithreda'r athrawon fel tîm gyda'r pennaeth i sicrhau gofal cyffredinol y plant. Ar ddechrau gyrfa ysgol pob disgybl, dylai'r rhieni hysbysu'r ysgol o rif ffôn fel cysylltfa brys. Ni cheir lle cyffyrddus tawel neu ystafell orffwys yn yr ysgol, felly os caiff unrhyw blentyn ei daro'n dost tra'i fod yn yr ysgol, cysylltir â'r rhieni er mwyn gwneud trefniadau i gyrchu'r plentyn i'w cartref neu at berthynas neu gymydog a enwebwyd. Ni anfonir unrhyw blentyn adref o'r ysgol os na fydd yno unrhyw berson cyfrifol i warchod y plentyn.

Dylai rhieni/gofalwyr fod yn ymwybodol bod gan ysgolion gyfrifoldeb i sicrhau lles yr holl ddisgyblion. Mae'r cyfrifoldeb hwn yn golygu:

- Y bydd gan yr ysgol bolisi a gweithdrefnau amddifyn plant;
- Y dylai'r ysgol wneud rhieni neu ofalwyr yn ymwybodol o'i pholisi amddifyn plant, a bod hyn yn golygu y bydd efallai angen cyfeirio eu plentyn at yr asiantaethau lles plant statudol os ydynt yn credu bod y plentyn neu blant eraill mewn perygl o ddioddef niwed sylweddol;
- Y dylai'r ysgol geisio gweithio gyda rhieni/gofalwyr ynghylch lles eu plentyn ac aros yn ddiuedd os yw eu plentyn yn cael ei atgyfeirio neu wedi cael ei atgyfeirio;
- Y dylai'r ysgol helpu rhieni neu ofalwyr i ddeall os atgyfeirir y plentyn i'r gwasanaethau cymdeithasol neu i'r heddlu, yna gwneir hynny er lles gorau'r plentyn ac y bydd yr ysgol yn cyfrannu at unrhyw ywchwiliad amddifyn plant neu ymchwiliad yr heddlu o ran lles a chynnydd addysgol eu plentyn; ac
- Y bydd yr ysgol yn rhoi'r wybodaeth ddiweddaraf i'r rhieni/gofalwyr yn gyson ynghylch lles a chynnydd addysgol y plentyn.

Swyddog Diogelu'r Ysgol a Phlant Mewn Gofal yw Miss Marie Langabeer (Pennaeth) ac yn ei habsenoldeb Mrs Meleri O'Leary.

Mae Polisi cynhwysfawr yn amlinellu'r drefn a'r cymorth mae'r ysgol yn darparu.

Mae hwn ar gael o'r ysgol.

Y llywodraethwraig sy'n gyfrifol am faterion diogelu yw Mrs Davinia Davies.

Diogelu ac Amddiffyn Plant

Ar 1af Medi 2006, daeth adran 175 o Ddeddf Addysg 2002 i rym.

Mae'n rhoi dyletswydd ar awdurdodau lleol, cyrff llywodraethu ysgolion a gynhelir, a chyrff llywodraethu sefydliadau addysg bellach i gael trefniadau yn eu lle i sicrhau eu bod yn diogelu plant a bod y trefniadau hyn yn ystyried canllawiau a gyhoeddwyd gan Lywodraeth Cynulliad Cymru.

Os oes gan weithiwr proffesiynol bryderon ynghylch plentyn, byddant fel arfer yn ceisio trafod hyn â'r teulu a, lle bo hynny'n bosibl, yn gofyn am eu caniatâd i atgyfeirio'r plentyn i'r gwasanaethau cymdeithasol.

Fodd bynnag, ni ddylid gwneud hyn ond lle na fyddai trafodaeth a chytundeb o'r fath yn rhoi'r plentyn mewn mwy o berygl o ddioddef niwed sylweddol. Bydd y cyngor hwnnw'n cael ei roi gan yr adran gwasanaethau cymdeithasol lleol mewn ymgynghoriad, lle bo'n briodol, â'r heddlu.

Dylai'r person amddiffyn plant dynodedig yn yr ysgol gael gwybod yn iawn gan yr asiantaethau statudol pryd, sut a phwy fydd yn hysbysu'r rhieni neu'r gofalwyr bod posibilrwydd y gallai eu plentyn gael ei atgyfeirio. Dylent hefyd ofyn am gyngor ynghylch a ddylid rhoi gwybod i'r disgybl am y broses neu beidio.

Fel rhiant neu ofalwr, efallai y byddwch yn teimlo'n unig ar brydiau ond fel arfer mae rhywun ar gael i siarad. Nid yw gofalu am blant bob amser yn rhwydd, ac os ydych yn ei chael hi'n anodd ymdopi efallai y bydd angen i chi ofyn am help a chymorth i amddiffyn eich plen

Efallai y bydd y canlynol yn ddefnyddiol:

- Gwnewch amser i siarad â'ch plentyn a gwranddo arno/arni;
- Dewch i adnabod ffrindiau ac arferion beunyddiol eich plentyn;
- Byddwch yn sensitif i unrhyw newid yn ei ymddygiad;
- Dysgwch eich plentyn i deimlo'n hyderus i wrthod gwneud unrhyw beth os nad yw'n teimlo'n iawn;
- Byddwch yn ymwybodol o sut mae'ch plentyn yn denyddio'r rhyngwrwyd a'i ffôn symudol, fel nad yw'n rhoi ei hun mewn perygl.

Mae trefn ffurfiol i'w gael i ddelio gyda materion Diogelu Plant ac Amddiffyn Plant, ac mae angen weithiau cyfeirio achosion.

Plant Mewn Gofal

Mae gan pob plentyn yng ngofal yr awdurdod lleol yr hawl i gael mynediad i addysg ysgol a holl wasanaethau addysg a derbyn pob cyfle a chymorth i ddatblygu'n addysgol ac yn gymdeithasol. Bydd pob plentyn yng ngofal yr awdurdod lleol yn cael mynediad i'r addysg briodol ar gyfer ei allu neu'i ddawn.

Canllawiau :

- Sicrhau bod aelod o staff wedi ei ddynodi i dderbyn cyfrifoldeb penodol am ddisgyblion sydd yng ngofal yr awdurdod lleol.
- Sicrhau bod yr ysgol yn monitro absenoldeb disgyblion sydd yng ngofal yr awdurdod lleol, a chyflwyno adroddiad i'r awdurdod addysg.
- Sicrhau awyrgylch ac ethos gadarnhaol parthed disgyblion yng ngofal yr awdurdod, gan greu ysgol ble mae stereoteipio negyddol am y disgyblion hyn yn cael ei herio.
- Bod yn ymwybodol o sensitifrwydd gwahardd disgyblion sy'n derbyn gofal yr awdurdod lleol, gan gydnabod yr angen i blant felly dderbyn addysg ddi-fwich.
- Sicrhau bod unrhyw anghenion addysgol ychwanegol yn cael eu darparu mewn cydweithrediad â'r Cyd-gysylltydd Anghenion Ychwanegol yn yr ysgol.

Cymorth Cyntaf

Mae gan Ysgol Gymunedol Bancffosfelen staff sydd wedi eu hyfforddi ar gyfer ymdrîn ag achosion o argyfwng yn y gweithle. Mae gan bob aelod o'r staff dystysgrif Cymorth Cyntaf a pholisi'r ysgol yw ei hadnewyddu bob tair blynedd. Cysyllta'r ysgol gydag adrannau eraill pan fo angen neu pan mae disgybl yn sâl. Weithiau mae disgybl yn mynychu'r ysgol ond yn gorfod cymryd cwrs o foddion. Os yn bosibl dylid rhoi'r moddion cyn iddynt ddod i'r ysgol. Fodd bynnag, sylweddola'r athrawon nad yw hyn yn bosibl bob amser, a bod amgylchiadau'n gallu amrywio. Gofynnir i rieni gysylltu ag athrawes ddosbarth eu plentyn os oes problem ac fe geisiwn fod o gymorth ond nid yw'n ofynnol i athrawon fod yn gyfrifol am ddarparu moddion. Rydym yn hapus i rieni alw yn yr ysgol i ddarparu moddion fel bo angen. Mae'n orfodol i rieni rhoi cais ysgrifenedig drwy lenwi ffurflen meddyginiaeth i fyny yn nodi enw'r disgybl, moddion, dôs a pha mor aml mae angen rhoi moddion os ydynt am i'r staff roi meddyginiaeth i'w plentyn.

Mae ffurflenni meddyginiaeth ar gael o fynedfa'r ysgol.

Diogelwch yn yr Ysgol

Cynhelir ymarferion tân yn gyson (o leiaf unwaith y tymor), fel bod y plant yn ymgwyfarwyddo â gwaghau yr ysgol ar frys ac yn drefnus, mewn achos o dân neu unrhyw achos brys arall. Ceir system rybudd yn yr adeilad gyda rhybudd fannau tân wedi'u lleoli mewn mannau amrywiol yn adeilad yr ysgol.

Mae gan yr ysgol brif mynediad i'r adeilad ac fe gloir wedi naw o'r gloch y bore. Yn ystod amser chwarae fe gloir y gat i gadw disgyblion yn ddiogel ar safle'r ysgol. Mae cloch ar y drws i'w chanu gan ymwelwyr i'n rhybuddio o'u presenoldeb. Rhaid i bob ymwelydd weld y Pennaeth neu'r atharwes a gofal am yr ysgol ac arwyddo'r llyfr ymwelwyr.

Ni chaniateir gyrru cerbydau i ardaloedd chwarae y plant ond mae mynediad ar gael i'r gwasanaethau argyfwng a.y.b. mewn achosion brys trwy gât dan glo. Gofynnir i'r rhieni beidio parcio ar y ffordd wrth y brif fynedfa, pan ddônt â'r plant i'r ysgol yn y bore ac wrth gasglu eu plant o'r ysgol ar ddiwedd y dydd.

Nid oes swyddog diogelwch heol ar gael felly rhaid gyrru yn ofalus!
Mae diogelwch ein disgyblion wrth gyrraedd a gadael yr ysgol yn holl bwysig.

Os bydd unrhyw amheuon ynghlyn â diogelwch yn codi mae'n bwysig dweud wrth aelod o staff ar unwaith. Fe wnaiff yr ysgol pob ymdrech i'w datrys er mwyn diogelwch ein disgyblion.

Ymweliadau'r Ysgol

Mae disgyblion yn mwynhau ymweld â llefydd ac maent yn dysgu llawer o brofiadau personol. Trefnir nifer o ymweliadau addysgiadol ynghlwm â'r gwaith a wneir yn y themau. Gwneir pob ymdrech i roi cyfleoedd na fyddai'r disgyblion yn blasu yn eu bywydau arferol. Gwneir pob ymdrech i gadw'r gost mor isel ag sy'n bosibl. Hysbysir y rhieni ymlaen llaw ynghlyn â manylion a chost yr ymweliad. Rhoddir caniatâd gan y rhieni a gofynnir iddynt gyfrannu'n wirfoddol tuag at gwrdd â chost cludiant, pris mynediad ac ati.

Bob blwyddyn fe fydd yna gyfle i ddisgyblion blwyddyn 5 a 6 ymweld â Gwersyll yr Urdd yn Llangrannog am dridiau, i gymryd rhan mewn gweithgareddau anturus. Bydd y disgyblion o dan ofal athrawon yr ysgol ar yr ymweliadau yma.

Fe greda'r Corff Llywodraethol a staff yr ysgol yn gryf mewn hybu cysylltiadau agos gyda'r cymunedau sydd yn rhan o ddalgylch yr ysgol, ac mae grwpiau o ddisgyblion yr ysgol yn cyfrannu'n aml tuag at achylsuron arbennig yn y pentref a'r dalgylch. Fe welir hyn yn gymorth i fagu hunanhyder yn y disgyblion eu hunain hefyd, a gwerthfawroga'r athrawon gefnogaeth y rhieni ar yr adegau hyn.

Chwaraeon

Ymgwymerir ag amrywiaeth eang o weithgareddau chwaraeon yn ystod y flwyddyn lle y bydd plant yn cynrychioli'r ysgol. Mae'r rhain yn cynnwys cystadlaethau'r Urdd, Gymnasteg ac Ymarfer Corff, Gêmau Rygbi, Pêl droed a Phêl rwyd, Rhedeg Traws Gwlad, Mabolgampau Ysgol a Rhyng-Ysgolion yng-hyd â Galau Nofio. Yn wir, un o gryfderau ysgol o'r faint hon yw bod pawb yn cael y cyfle i gymryd rhan mewn amrywiaeth o weithgareddau.

Mae unrhyw ddisgybl sy'n cymryd rhan yn cynrychioli'r ysgol a chydabyddir hyn fel braint sy'n gyfartal â chyflawniad academiaidd ac artistig. Mae hefyd yn meithrin ysbryd cyd-dynnu ac yn datblygu sgiliau. Rydym yn anelu at roi cyfle i blant o bob gallu, gymryd rhan mewn gweithgareddau cystadleuol.

Dathlwn gyflawniadau disgyblion yn ystod ein gwasanaethau ac fe ddathlwn lwyddiant tu allan i'r ysgol hefyd. Fe fynycha nifer o'n disgyblion glybiau pêl droed, rygbi, pêl rwyd â chriced lleol ac rydym yn ymfalchio yn eu llwyddiant.

Ymddygiad Positif

Rydym yn dathlu holl lwyddiannau ein disgyblion. Ein nôd yw sicrhau fod pob disgybl yn cwrdd â'i llawn / â'i lawn potensial.

Dewch i Ddathlu - Gwasanaeth

Rydym yn annog ein disgyblion i arddangos tystysgrifau, gwobrau a rhannu straeon am lwyddiannau gyda gweddill yr ysgol. Rydym yn gwobrwyo disgyblion am Ymddygiad Positif yn y Gwasanaeth hyn.

Ymddygiad Positif a Disgyblaeth

Mae ymddygiad da yn hanfodol i ddysgu effeithiol. Dylai disgyblion ymddwyn yn gwrtais bob amser a pharchu eraill a'u heiddo - disgwylir hyn gan y gymuned. Er hynny, os bydd yna broblemau yn codi gwneir pob ymdrech i ymresymu gyda'r disgybl gan geisio gwneud iddo ddeall pam fod rhai ffurf o ymddygiad yn annerbyniol.

Pan fydd angen gwneud hynny, caiff y disgybl ei ddisgyblu, a gweinyddir hyn mewn modd rhesymol sy'n debyg i'r hyn a ddisgwylir gan riant cydwybodol. Fel arfer colli cyfle a braint bersonol fydd y gosb. Rhoddir rhybudd ymlaen llaw i feithrin hunan ddisgyblaeth. Anogir y plant i fod yn rhan o'r broses o greu rheolau dosbarth ar ddechrau bob blwyddyn ysgol.

Os bydd disgybl yn parhau i gamymddwyn yna cysylltir â'i rieni a gwahoddir hwy i'r ysgol i drafod problemau ymddygiad y plentyn. Os gwelir disgybl yn camymddwyn mewn modd a fydd yn peryglu ei hun neu eraill, mae hawl gan y pennaeth, mewn amgylchiadau eithriadol, i wahardd y disgybl o'r ysgol. Hysbysir y rhieni, Cadeirydd y Llywodraethwyr a'r Awdurdod Addysg Leol am benderfyniad o'r fath. Ni oes unrhyw ddisgybl wedi ei wahardd o Ysgol Gymunedol Bancffosfelen.

Bwlio

Mae'n fwriad sylfaenol y dylai pob plentyn dimlo'n ddiogel ac yn hapus yn yr ysgol. Ni dylai unrhyw blentyn deimlo dan fygythiad, p'un ai y nfygythiad corfforol, emosiynol neu llafar. Fel y nodir ym mholsi'r ysgol mae pob plentyn yn cael eu hannog i drafod unrhyw fygythiadau o fwlio, yn syth gydag oedolyn.

Cyngor Ysgol

Mae aelodau'r Cyngor Ysgol yn gynrychiolwyr o bob blwyddyn ysgol. Maent yn cwrdd i drafod pethau sydd wedi codi, i drefnu i godi arian i brynu adnoddau (meinciau, gêmâu, adnoddau amser chwarae a.y.b.)

Ysgol Eco

Rydym wedi ennill sawl gwobr Ysgolion Eco, a'n nôd yw i gynyddu ymwybyddiaeth o ddulliau call o ddefnyddio adnoddau'r byd. Rydym hefyd yn darparu ardal ar dir yr ysgol lle gall disgyblion fwynhau gweld bywyd gwyllt a phlanhigion yn llewyrchu.

Mudiad Meithrin

Mae Mudiad Meithrin yn cynnal sesiynau boreol yn neuadd yr ysgol. Rydym yn cydweithio er mwyn gwneud y daith o'r ysgol feithrin i'r ysgol mor rhwydd â phosibl i'r disgyblion.

Y Gymdeithas Rhieni ac Athrawon

Mae gan yr ysgol Gymdeithas Rieni ac Athrawon cefnogol a gweithgar iawn. Cynhelir cyfarfodydd i drafod materion sy'n ymwneud â'r ysgol ac i drefnu'r nosweithiau cymdeithasol fel bod pawb yn dod i adnabod ei gilydd ac i godi arian i hybu'r ddarpariaeth addysgiadol yn yr ysgol. Estynna'r C.Rh.A. groeso cynnes i bob rhiant newydd.

Enghreifftiau o weithgareddau diweddar: Disgos, Ffair Nadolig, a.y.b. O bryd i'w gilydd rydym yn gofyn am farn rhieni ac fe fanteisir ar gyfarfodydd y C.Rh.A. i drafod materion. Mae yna gysylltiad agos iawn rhwng yr Ysgol a rhieni ac rydym yn gwerthfawrogi eu cyfraniad parod.

Asesu ac Adrodd yn ôl

Gweithredir polisi o asesu parhaol yn ogystal ag asesu ffurfiol yn yr ysgol hon. Cedwir proffil o waith pob plentyn mewn ffeil unigol sy'n cynnwys enghreifftiau o waith a sylwadau ar gynnydd.

Cynhelir nosweithiau penodol i rieni i ddod i mewn i'r ysgol i drafod cynnydd gyda'r athrawon. Fe hysbysir rhieni trwy lythyr o ddyddiadau'r cyfarfodydd. Cynhelir noson i osod targedau yn y tymor cyntaf ac i ddilyn cyfarfodydd cynnydd yn ystod tymor y Gwanwyn a Haf i drafod cynnydd y disgyblion. Serch hynny, mae croeso i rieni ddod i'r ysgol i drafod cynnydd eu plentyn ar unrhyw adeg ychwanegol os bydd angen. Darparwyd adroddiad ysgrifenedig yn tymor yr Haf gyda manylion safonau a champau'r disgyblion dros y flwyddyn ysgol. Hefyd ar ddiwedd bob cyfnod allweddol sef blwyddyn 2 a blwyddyn 6 caiff y disgyblioneu hasesu. Rhannwyd canlyniadau'r asesiadau gyda rhieni ar noson rhieni a chyhoeddwyd canlyniadau'r ysgol ar y cyd.

Cynhelir Profion Statudol yn flynyddol ym Mis Mai ac mae'n bwysig bod disgyblion Blynyddoedd 2, 3,4,5 a 6 yn bresennol yn yr ysgol. Danfonir canlyniadau y profion hyn i rieni ym mis Gorffennaf .

Adroddiad Dilysiad yr Ysgol 2019 (Diwedd y Cyfnod Sylfaen - Disgyblion)



(Tabl 1 o 2 - CANRANNAU)
Sir Gaerfyrddin
 Ysgol Gynradd Bancffosfelen

		N	D	W	Z	S	G	1	2	3	4	5	6	A
Datblygiad personol a chymdeithasol, lles ac amrywiaeth ddiwylliannol	2019	0.0	0.0	0.0	0.0	0.0	0.0	0.0	0.0	0.0	0.0	50.0	50.0	0.0
	2018	0.0	0.0	0.0	0.0	0.0	0.0	0.0	0.0	0.0	20.0	60.0	20.0	0.0
Sgiliau iaith, llythrennedd a chyfathrebu (yn y Gymraeg)	2019	0.0	0.0	0.0	0.0	0.0	0.0	0.0	0.0	0.0	16.7	83.3	0.0	0.0
	2018	0.0	0.0	0.0	0.0	0.0	0.0	0.0	20.0	20.0	20.0	40.0	0.0	0.0
Sgiliau iaith, llythrennedd a chyfathrebu (yn Saesneg)	2019	0.0	0.0	0.0	0.0	0.0	0.0	0.0	0.0	0.0	0.0	0.0	0.0	0.0
	2018	0.0	0.0	0.0	0.0	0.0	0.0	0.0	0.0	0.0	0.0	0.0	0.0	0.0
Datblygiad mathemategol	2019	0.0	0.0	0.0	0.0	0.0	0.0	0.0	0.0	0.0	16.7	50.0	33.3	0.0
	2018	0.0	0.0	0.0	0.0	0.0	0.0	0.0	0.0	20.0	0.0	60.0	20.0	0.0

DCS **

2019	83.3
2018	40.0

Nodiadau

N: Ni ddyfarnwyd lefel am resymau heblaw datgymhwysio

D: Datgymhwyswyd o dan Adran 364 neu 365 o Ddeddf Addysg 1996, a weithredit bellach drwy adrannau 113-116 o Ddeddf Addysg 2002.

W: Gweithio tuag at Ddeiliant y Cyfnod Sylfaen.

A: Perfformiad yn uwch na Deiliant 6 y Cyfnod Sylfaen.

- : Nid yw'n union sero, ond yn llai na 0.05

** : Wedi cyflawni'r deiliannau a ddisgwyliwyd yn y canlynol "Sgiliau iaith, llythrennedd a chyfathrebu (yn Gymraeg)" neu "Sgiliau iaith, llythrennedd a chyfathrebu (yn Saesneg)", "Datblygiad mathemategol", a "Datblygiad personol a chymdeithasol, lles ac amrywiaeth ddiwylliannol".

Cyfnod Allweddol 2

Adroddiad Dilysiad yr Ysgol 2019 (CA2 - Disgyblion)



(Tabl 1 o 2 - CANRANNAU)

Sir Gaerfyrddin

Ysgol Gynradd Bancffosfelen

		N	D	NCO1	NCO2	NCO3	1	2	3	4	5	6+	4+
Saesneg	2019	0.0	0.0	0.0	0.0	0.0	0.0	20.0	10.0	70.0	0.0	0.0	70.0
	2018	0.0	0.0	0.0	0.0	0.0	0.0	0.0	0.0	100.0	0.0	0.0	100.0
Llafaredd	2019	0.0	0.0	0.0	0.0	0.0	0.0	20.0	10.0	70.0	0.0	0.0	70.0
	2018	0.0	0.0	0.0	0.0	0.0	0.0	0.0	0.0	100.0	0.0	0.0	100.0
Darllen	2019	0.0	0.0	0.0	0.0	0.0	0.0	20.0	10.0	70.0	0.0	0.0	70.0
	2018	0.0	0.0	0.0	0.0	0.0	0.0	0.0	0.0	100.0	0.0	0.0	100.0
Ysgrifennu	2019	0.0	0.0	0.0	0.0	0.0	0.0	20.0	10.0	70.0	0.0	0.0	70.0
	2018	0.0	0.0	0.0	0.0	0.0	0.0	0.0	0.0	100.0	0.0	0.0	100.0
Cymraeg Iaith Gyntaf	2019	0.0	0.0	0.0	0.0	0.0	0.0	20.0	20.0	60.0	0.0	0.0	60.0
	2018	0.0	0.0	0.0	0.0	0.0	0.0	12.5	0.0	87.5	0.0	0.0	87.5
Llafaredd	2019	0.0	0.0	0.0	0.0	0.0	0.0	20.0	20.0	60.0	0.0	0.0	60.0
	2018	0.0	0.0	0.0	0.0	0.0	0.0	12.5	0.0	87.5	0.0	0.0	87.5
Darllen	2019	0.0	0.0	0.0	0.0	0.0	0.0	20.0	20.0	60.0	0.0	0.0	60.0
	2018	0.0	0.0	0.0	0.0	0.0	0.0	12.5	0.0	87.5	0.0	0.0	87.5
Ysgrifennu	2019	0.0	0.0	0.0	0.0	0.0	0.0	20.0	20.0	60.0	0.0	0.0	60.0
	2018	0.0	0.0	0.0	0.0	0.0	0.0	12.5	0.0	87.5	0.0	0.0	87.5
Mathemateg	2019	0.0	0.0	0.0	0.0	0.0	0.0	20.0	0.0	80.0	0.0	0.0	80.0
	2018	0.0	0.0	0.0	0.0	0.0	0.0	0.0	12.5	87.5	0.0	0.0	87.5
Gwyddoniaeth	2019	0.0	0.0	0.0	0.0	0.0	0.0	20.0	0.0	80.0	0.0	0.0	80.0
	2018	0.0	0.0	0.0	0.0	0.0	0.0	0.0	0.0	87.5	12.5	0.0	100.0

Dangosydd Pwnc Craidd **

2019	80.0
2018	87.5

Adroddiad Cymharol/Dilysiad yr Ysgol 2017 (CA2 - Disgyblion)



Nodiadau

N: Ni ddyfarnwyd lefel am resymau heblaw datgymhwysio

D: Datgymhwyswyd o dan Adran 364 neu 365 o Ddeddf Addysg 1996, a weithredit bellach drwy adrannau 113-116 o Ddeddf Addysg 2002.

NCO1 : Deilliant 1 Cwricwlwm Cenedlaethol

NCO2 : Deilliant 2 Cwricwlwm Cenedlaethol

NCO3 : Deilliant 3 Cwricwlwm Cenedlaethol

Noder bod NCO1, NCO2 a NCO3 wedi disodli lefel W mewn blynyddoedd blaenorol

- : Nid yw'n union sero, ond yn llai na 0.05

* : Mae'r cohort yn llai na phump neu ni ellir ei gynnwys am resymau cyfrinachedd

** : Wedi cyrraedd y lefel ddisgwyliedig yn Saesneg neu Gymraeg Iaith Gyntaf, Mathemateg a Gwyddoniaeth gyda'i gilydd

Mae'r data cymharol cenedlaethol yn cyfeirio at 2016

Cwynion

Rydym yn gwneud ein gorau glas bob amser i roi'r addysg orau bosib i'n plant ac i ofalu am eu hiechyd a'u diogelwch ynghyd â'u lles.
Mae pob aelod o staff; addysgu a chynorthwyol wedi ymrwymo i hyn.

O bryd i'w gilydd mae'n bosibl nad ydym wedi cwrdd â'ch disgwyliadau. Os felly gofynnw i chwi ddweud wrthym ar unwaith.
Yn gyntaf siaradwch gyda'r athrawes neu/ â'r Pennaeth neu atharwes sydd â gofal am yr ysgol.
Gwerthfawrogir trefnu amser arbennig gyda'r Pennaeth am fater dwys o'r fath.

Fe wnawn ni ein gorau i ddelio gydag unrhyw broblem rhesymol sy'n dod i'n golwg.

Os nad ydych yn hapus, fe allwch godi'r mater yn ffurfiol gyda Cadeirydd y Llywodraethwyr.
Mae'r camau ar gyfer gwneud hyn ar gael o'r ysgol neu ar wefan yr ysgol.
(Polisi Cwynion)

Polisiau'r ysgol a'r awdurdod Addysg

Mae'r mwyafrif o'r gwybodaeth yn y prospectws hwn wedi dod o bolisiau'r ysgol a'r awdurdod lleol. Mae croeso i rieni ofyn i weld unrhyw bolisi.

**Edrychwn ymlaen i groesawi eich plentyn i
Ysgol Gymunedol Bancffosfelen!**